



ՕՐ ՀՆՈՒԹԻՒՆ ՍՐԲԱԼՈՅՍ ՄԻՒԹՈՆԻ.

Նորին Ս. Օծութիւն Տ. Տ. Մկրտիչ Սրբազնագոյն Հայրապետն ամենայն Հայոց որոշել է, յաջողութեամբն Աստուծոյ՝ սրբալոյս միւռնի օրհնութիւն կատարել առաջիկայ սեպտեմբեր 28-ին, Վարազայ ա. Խաչի տօնի օրը, որ տասներորդ տարեդարձն է Իւր Քահանայապետական Օծման:

Վեհափառ Հայրապետի բարեհաճ տնօրինութեամբ յատուկ հրաւերներ կուղարկուին մեր վիճակաւոր առաջնորդներին: Փոխանորդ վարդապետներ, ցանկացող վանահայրեր և եկեղեցեաց աւագերէցները կարող են այս սրբազան հանդիսին ներկայ գտնուել՝ ըստ կարելւոյն մեծ թուով այլ եկեղեցական պաշտօնէից հետ:

Օր առաջ հրաւեր է կարգացուում այսու նաև ի սփիւռս աշխարհի տարածեալ հայ ժողովրդեան, որի իւրաքանչիւր անդամը Միաձնի Իջման տաճարում օրհնուած սուրբ միւռնի զրոշմն է կրում իւր ճակատին և այդպէս միանում Քրիստոսի հօտին՝ պատրաստուել խուռներամ բազմութեամբ դիմելու դէպի հանուրց Հայաստանեայց հոգևոր ծննդեան մայր այդ սուրբ տաճարը, ա. Հոգւոյ

չնորհաց առատաձիր զեղման խորհրդաւոր ժամին. յիշելով միանգամայն, որ 1600-րդ տարին է բոլորում այն յաւերժայիշատակ օրից, երբ երկնային ցուցմամբ հրաշակերտ տաճարի լուսեղէն կամարները ձգուեցան, հովանի և անքոյթ նաւահանգիստ լինելու Հայութեան՝ զարերի յորձանքի դէմ:



ՊԱՇՏՕՆԱԿԱՆՔ

ՔԱՂՈՒԱԾՔ Ի ԿՈՆԴԱԿԱՅ ՎԵՀ. ՀԱՅՐԱՊԵՏԻ-

Ա.

Հայրապետական տնօրինութիւնք.

Կոնդակ յանուն ս. Սինդի ս. Էջմիածնի, որով յայտնեցաւ զմտադրութենէն կատարելոյ զօրհնութիւն ս. Միւռոնի և հրամայեցաւ հոգալ այժմէն զկարևոր պատրաստութեանց ընդ ձեռն կարգեալ Յանձնաժողովոյ. թ. 431:

— Յանուն վիճ. Ասենին Վրաստանի և Իմէրեթի, որով յայտնեցաւ զկարգմանէ Արամայ (Աղաֆոն) Աթարբէգեանի կառավարիչ անտառին վանուցն Հաղարծնոյ. թ. 441:

— Յանուն վարչութեան Հոգ. Ճեմարանի Մայր Աթոռոյ, որով հրամայեցաւ հոգալ ընդ ձեռն նոյն վարչութեան զԺախս Հոգ. Ճեմարանի. թ. 444: